

ՔՈՒՅՐ ՔԱՂԱՔՆԵՐԻ ՄԱՍԻՆ ՀՈՒՇԱԳԻՐ

ՍԵՎԱՆ ՀԱՄԱՅՆՔԻ (ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ) ԵՎ ԲԱԼԱՏՈՆԱԼՄԱԴԻ ՔԱՂԱՔԻ (ՀՈՒՆԳԱՐԻԱ) ՄԻՋԵՎ

Կազմված՝ մի կողմից Սևան համայնքի (Հայաստանի Հանրապետություն, 1501, Գեղարքունիքի մարզ, Սևան, Նաիրյան 164) ի դեմս համայնքի ղեկավար Սարգիս Մուրադյանի, մյուս կողմից Բալատոնալմադի քաղաքի ինքնավարության (Հունգարիա, 8220, ք. Բալատոնալմադի, Սեչենի ճեմնուղի 1)՝ ի դեմս քաղաքապետ Լասլո Բերչենյիի՝ ներքոնշյալ պայմաններով և բովանդակությամբ.

Նախաբան

Երկու քաղաքների ժողովրդավարական եղանակով ընտրված ներկայացուցիչները՝ նպատակ ունենալով ամրապնդել երկու քաղաքների միջև բարեկամական հարաբերությունները՝ հիմնված բարեկամության, հավասարության և փոխադարձ շահի սկզբունքների վրա, հանդիսավոր կերպով հայտարարում են.

ՀՈԴՎԱԾ 1

Սևան համայնքը և Բալատոնալմադի քաղաքը դառնում են քույր/գործընկեր քաղաքներ:

ՀՈԴՎԱԾ 2

Կողմերը, որպես քույր/գործընկեր քաղաքներ, աջակցում են երկու քաղաքների միջև համապարփակ համագործակցությանը հետևյալ ոլորտներում.

- ❖ համայնքային ծառայությունների տրամադրման ոլորտում ժամանակակից տեխնոլոգիաների կիրառման հետ կապված փորձի փոխանակում և համագործակցություն

- ❖ անհատների և համայնքային հաստատությունների միջև շփումների ակտիվացում, այդ թվում՝ մշակութային, սպորտային-երիտասարդական, զբոսաշրջային և կրթական ոլորտներում
- ❖ գործարար համաժողովների, ցուցահանդեսների, փառատոնների և այլ միջոցառումների կազմակերպման միջոցով քաղաքացիական հասարակության կազմակերպությունների և տնտեսվարողների միջև առևտրի և տնտեսական հարաբերությունների զարգացում
- ❖ շրջակա միջավայրի պաշտպանություն, թափոնների կառավարում, էկոլոգիապես մաքուր արդյունաբերության զարգացում, էներգաարդյունավետության բարձրացում, կանաչապատ տարածքների ընդլայնում և պահպանություն
- ❖ քաղաքային ենթակառուցվածքների զարգացման՝ այդ թվում ջրամատակարարման, էներգամատակարարման և գազամատակարարման ցանցերի բարելավման, քաղաքաշինության և ճարտարապետության, քաղաքային տրանսպորտի կառավարման և զբոսաշրջային ենթակառուցվածքների զարգացման ոլորտներում փորձի փոխանակում:
- ❖ Ոչ ֆորմալ կրթական և մշակութային հարթակների ստեղծում և երիտասարդների փոխանակման ծրագրերի իրականացում:

ՀՈՂՎԱԾ 3

Երկու քաղաքների միջև համագործակցությունը կծավալի ներպետական օրենսդրության համաձայն, Կողմերի իրավասությունների սահմաններում:

ՀՈՂՎԱԾ 4

Կողմերը յուրաքանչյուր ոլորտի համար կմշակեն գործնական տարեկան համատեղ ծրագրեր, որոնք կկազմեն սույն Հուշագրի բաղկացուցիչ մասը:

ՀՈՂՎԱԾ 5

Սույն Հուշագիրն ուժի մեջ կմտնի ստորագրման պահից և կգործի այնքան ժամանակ, քանի դեռ Կողմերից մեկը նախապես վեց ամիս առաջ

գրավոր չի տեղեկացրել մյուս Կողմին Հուշագրի կատարումը դադարեցնելու իր մտադրության մասին:

Կատարված է *բաշարույժարթ* քաղնքում 2025թ. *26,02* ին, երկու բնօրինակով, յուրաքանչյուրը՝ հայերեն և հունգարերեն, ընդ որում բոլոր տեքստերն էլ հավասարազոր են:

ՄԵՎԱՆ ՀԱՄԱՅՆՔԻ
ՂԵԿՎԱՐ

ԲԱԼԱՏՈՆԱԼՄԱԴԻԻ ՔԱՂԱՔԻ
ԻՆՔՆԱՎԱՐՈՒԹՅԱՆ

ՔԱՂԱՔԱՊԵՏ